



Broj: KSI-09-225/26

Datum: 08.04.2026. godine

Na osnovu člana 25. Zakona o sprečavanju sukoba interesa u institucijama Brčko distrikta Bosne i Hercegovine („Službeni glasnik Brčko distrikta Bosne i Hercegovine“ broj: 04/21) i člana 25. stav (2) Poslovnika o radu Komisije za odlučivanje o sukobu interesa („Službeni glasnik Brčko distrikta Bosne i Hercegovine“ broj: 19/21), postupajući po anonimnoj prijavi, podnesenoj protiv nosioca javne funkcije S.O., šefa Odjeljenja za obrazovanje Brčko distrikta Bosne i Hercegovine, na 148. sjednici održanoj dana 08.04.2026. godine, donosi

ODLUKU

Postupak za odlučivanje o sukobu interesa protiv nosioca javne funkcije, S.O., šefa Odjeljenja za obrazovanje Brčko distrikta Bosne i Hercegovine neće se pokrenuti, obzirom da iz dostavljenih podataka i dokumentacije ne proizilazi da je u postupanju nosioca javne funkcije došlo do povrede odredaba Zakona o sprečavanju sukoba interesa u institucijama Brčko distrikta Bosne i Hercegovine, odnosno postojanja sukoba interesa.

Образложење

Dana 24.03.2026. godine po anonimnoj prijavi, Komisija za odlučivanje o sukobu interesa pokrenula je postupak broj: KSI-09-225/26, radi sumnje na povrede odredaba Zakona o sprečavanju sukoba interesa u institucijama Brčko distrikta Bosne i Hercegovine, odnosno postojanje sukoba interesa protiv S.O., nosioca javne funkcije šefa Odjeljenja za obrazovanje Brčko distrikta Bosne i Hercegovine. U dostavljenoj anonimnoj prijavi, između ostalog navodi se da je S.O., nosiocu javne funkcije jedan od zaposlenika postao „desna ruka“ kako u zapošljavanju, tako i u finansijama, kao i pri nabavci GPS-a za autobuse kojim se voze đaci i da Komisija u vezi sa navedenim, u okviru svojih zakonom propisanih nadležnosti, preduzme odgovarajuće aktivnosti radi ispitivanja navoda iz prijave.

Članom 2. tačka c) Zakona o sprečavanju sukoba interesa u institucijama Brčko distrikta Bosne i Hercegovine propisano je da je „nosilac javne funkcije“ izabrano ili imenovano lice u organima i institucijama Distrikta, u pravnim licima koje osniva Distrikt kao i u pravnim licima kojima je povjereno vršenje javnih ovlaštenja i lice koje je imenovano, odnosno na čiji izbor i imenovanje saglasnost daje Skupština, odnosno Vlada, ukoliko drugim zakonom nije drugačije propisano.

Uvidom u Registar javnih funkcija i nosilaca javne funkcije, koje vodi Komisija, utvrđeno je da S.O. obavlja funkciju šefa Odjeljenja za obrazovanje Brčko distrikta Bosne i Hercegovine na osnovu Odluke broj: 33-005236/24 od 16.12.2024. godine, te je obavezan postupati u skladu s odredbama Zakona o sprečavanju sukoba interesa u institucijama Brčko distrikta Bosne i Hercegovine.

U cilju provjere navoda iz prijave da li postoji sukob interesa, Komisija je po anonimnoj prijavi pokrenula postupak provjere informacija i uputila zahtjev za dostavu podataka broj: KSI-09-225/26 od 26.03.2026. godine Odjeljenju za obrazovanje Brčko distrikta Bosne i Hercegovine zahtijevajući odgovor obzirom da je u Planu nabavke roba za 2026. godinu pod rednim brojem 230. nabavka i ugradnja GPS i aplikacije za praćenje linijskog prevoza, te da li je okončan ovaj postupak nabavke, a ukoliko jeste, koja je firma izabrana, kao i dostavljanje Odluke o imenovanju članova komisije za javne nabavke, za ovu nabavku putem otvorenog postupka.

Odjeljenje za obrazovanje Brčko distrikta Bosne i Hercegovine aktom broj: 48-000276/26 od 03.04.2026. godine odgovorilo je da nije preduzimalo nikakvu radnju na realizaciji predmetne nabavke tokom 2026. godine.

Prema tome, uvidom u akt vidljivo je da S.O., šefa Odjeljenja za obrazovanje Brčko distrikta Bosne i Hercegovine nije imao niti jednu aktivnost kako je navedeno u dostavljenoj prijavi odnosno nije preduzimalo nikakve aktivnosti na način da zbog privatnog interesa koji utiče, može uticati ili se stvara utisak da utiče na obavljanje javne funkcije bi mogao počinuti sukob interesa kako je navedeno u prijavi.

Komisija je postupila u okviru svojih nadležnosti shodno zakonskim odredbama i dokumentima. Prema tome kako u provedenom postupku nisu utvrđeni elementi kršenja zakonskih odredaba, Komisija je cijenila da ne postoji zakonski osnovi za dalje vođenje postupka, te je odlučeno kao u dispozitivu Odluke.

Pouka o pravnom lijeku:

Protiv ove Odluke nije dozvoljena žalba, ali se može pokrenuti upravni spor pred Osnovnim sudom Brčko distrikta Bosne i Hercegovine u roku od 30 od strane nosioca javne funkcije.

Predsjednik
Komisije za odlučivanje o sukobu interesa

Admira Mujić, dipl. pravnik

Dostaviti:

- Putem oglasne table,
- Internet stranici Komisije,
- Evidenciji i
- Arhivi.